

ՀԱՇՎԵՏՎՈՒԹՅՈՒՆ

2019 թվականի հուլիսի 1-5-ը Կազան (Ռուսաստանի Դաշնություն) գործուղման արդյունքների մասին

1. Անունը, ազգանունը.

Արման Ուդումյան

2. Զբաղեցրած պաշտոնը.

ՀՀ աշխատանքի և սոցիալական հարցերի նախարարի տեղակալ

3. Գործուղման վայրը և ժամկետները.

Կազան (Ռուսաստանի Դաշնություն), 2019 թվականի հուլիսի 1-5-ը

4. Հրավիրող կողմը.

Աշխատանքի միջազգային կազմակերպություն (այսուհետ՝ ԱՄԿ)

5. Գործուղման նպատակը /աշխատանքային ո՞ր խնդրի լուծման համար էր նախատեսված գործուղումը/.

Մասնակցություն «Աշխատանքի թվայնացված աշխարհին ընդառաջ. Աշխատանքի ոլորտի ապագան բոլորիս համար» խորագրով բարձր մակարդակի միջազգային համաժողովին

6. Քննարկված թեմաները.

Հուլիսի 2-ին ներկայացվել և քննարկվել են հետևյալ թեմաները.

- ԱՄԿ Աշխատանքի ապագայի հարցերով գլոբալ հանձնաժողովի զեկույցը.
- Աշխատանքի ապագան և Թաթարստանի երիտասարդների զբաղվածության հիմնախնդիրները.
- ԱՊՀ մի շարք երկրների օրինակով երիտասարդների զբաղվածության մարտահրավերները և միտումները համեմատական զեկույցը.
- Հայաստանի կողմից պատրաստված՝ գենդերային և երիտասարդների զբաղվածության հարցերով տարածաշրջանային վերլուծական զեկույցը, որի

ընթացքում իմ կողմից ներկայացվեց համապատասխան իրավիճակը Հայաստանում, վարվող քաղաքականությունը և մի շարք նպատակային ծրագրեր, որոնք ուղղված են երիտասարդների և հատկապես կանանց զբաղվածության ապահովմանը:

Ներկայացումների արդյունքում կազմակերպվեց խմբային աշխատանք, որի ընթացքում քննարկվեցին մասնակից երկրների փորձը երիտասարդների զբաղվածության և գենդերային հավասարության հարցերով:

Հուլիսի 3-ին ներկայացվել և քննարկվել են հետևյալ թեմաները.

- «Երիտասարդների զբաղվածության Գենդերային հավասարության որակական բեկումը» ԱՄԿ զեկույցը, որի ընթացքում ներկայացվեց գենդերային հավասարության խզումը եկամուտների, զբաղվածության, աշխատաշուկայում մասնակցության, գործազրկության և զբաղվածության պաշտպանվածության հարցերում: Ներկայացվեցին նաև այն բոլոր ԱՄԿ կոնվենցիաները, որոնք ընդունվել են նշված խնդիրները կարգավորելու համար:
- Երիտասարդների զբաղվածության փորձը Ադրբեջանի և Ուզբեկստանի Հանրապետություններում:
- Երիտասարդների զբաղվածության աջակցությունը, մարտահրավերները և պատասխան քայլերը, Ռուսաստանի Դաշնության փորձը, որի ընթացքում ներկայացվեցին ՌԴ տարբեր երկրամասերի և հանրապետությունների փորձը, համապատասխան վիճակագրությունը և իրականացվող միջոցառումները:
- Երիտասարդների զբաղվածության ոլորտում Չինաստանի ինովացիոն փորձը:

Հուլիսի 4-ին ներկայացվել և քննարկվել են հետևյալ թեմաները.

- ԱՄԿ միջազգային փորձագետի կողմից ներկայացվեց Ձբաղվածության պետական ծառայությունների համար նախատեսված ուսումնական ձեռնարկի նախագիծը:
- Կազմակերպվեց խմբային աշխատանք «Ձբաղվածության պետական ծառայությունների համար աշխատաշուկայի հիմնական միտումները, մարտահրավերներն ու հնարավորությունները» թեմայով:
- Կազմակերպվեց «Աշխատանքի ապագան և երիտասարդների զբաղվածությունը» թեմայով պանելային քննարկում, որի ընթացքում սոցիալական գործընկերության կողմերը ներկայացնող բանախոսները խոսեցին առկա խնդիրների, մարտահրավերների և անհրաժեշտ քայլերի մասին:

Այնուհետև կազմակերպվեց եռակողմ քննարկում, որի ընթացքում քննարկվեցին հետևյալ հարցերը.

- կողմերի դերը հետագայում երիտասարդների՝ դպրոցից աշխատանքի անցնելու, ողջ կյանքի ընթացքում ուսման հնարավորությունների և որակյալ կրթության հարցում.
- երիտասարդ աշխատողների համար համապատասխան պաշտպանություն ապահովմանն ուղղված նորարարական նախաձեռնություններ, որոնք կարող են նպաստել տնտեսության ոչ ֆորմալից ֆորմալ անցում կատարելուն.
- ինչպես կարող են աշխատողները, ձեռնարկությունները և կառավարությունները միասին աշխատել դժվարությունների հաղթահարմանն ուղղված՝ օգտագործելով թվային տնտեսության հնարավորությունները, այդ թվում նաև՝ թվային աշխատանքային պլատֆորմները:

Հուլիսի 5-ին համաժողովի մասնակիցների համար կազմակերպվեց ճանաչողական այց Կազան քաղաքի Մոսկվայի շրջանի զբաղվածության կենտրոն: Այցի ընթացքում ներկայացվեց կենտրոնի կողմից գործատուներին և աշխատանք փնտրողներին տրամադրվող ծառայությունները, “Работа в России” ինտերնետ պորտալի միջոցով թափուր աշխատատեղերի հավաքագրումը, իրականացվող ակտիվ ծրագրերը: Նշվեց, որ կենտրոնը ներառված է զբաղվածության կենտրոնների վերափոխման փորձնական ծրագրում, որի համաձայն պետք է փոխվեն շենքային, աշխատանքային պայմանները հատուկ մշակված ստանդարտներով, վերապատրաստվեն բոլոր աշխատակիցները, որոնք պետք է կրեն համազգեստ, բարելավվեն ծառայությունների որակը:

Նշվեց, որ Թաթարստանում ևս հաշմանդամություն ունեցող անձանց զբաղվածության ապահովման համար գործում է քվոտա, որի համաձայն 35-100 աշխատող ունենալու դեպքում քվոտան սահմանվում է 3%, իսկ 100 և ավելիի դեպքում՝ 2%:

7. Հանդիպումները, ելույթները, բարձրացված կամ քննարկված հարցերը.

Այցի ընթացքում հանդիպել եմ ԱՄԿ ներկայացուցիչների հետ և քննարկել եմ զբաղվածության նոր ռազմավարության մշակման աշխատանքներին ԱՄԿ աջակցության հետ կապված հարցերը.

- ԱՄԿ միջազգային փորձագետների Հայաստան այցելությունների ժամանակացույցը՝ աջակցելու ռազմավարությունը մշակող ազգային փորձագետների թիմին.
- ազգային փորձագետների թիմը պետական ֆինանսների կառավարման փորձագետով համալրելու պայմանավորվածությունը:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Պայմանավորվածություն ձեռք բերվեց, որ «Արժանապատիվ աշխատանք» ծրագրի շրջանակներում, ՀՀ աշխատանքային օրենսդրության փոփոխությունների նպատակով ստեղծվելիք աշխատանքային խմբին ԱՄԿ կաջակցի՝ տրամադրելով միջազգային փորձագետ:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

- Շարունակել համագործակցությունը Ռուսաստանի Դաշնության և նրա առանձին երկրամասերի հետ՝ զբաղվածության հարցերի շուրջ փորձի փոխանակման նպատակով.
- քայլեր ձեռնարկել աշխատանքի բորսայի էլեկտրոնային առցանց հարթակի (ինչպես նաև այդ հարթակին կից մասնագիտական կողմնորոշման ենթահարթակի) նախագծման մշակման և ներդրման ուղղությամբ.
- միջազգային փորձի հիման վրա վերանայել ՀՀ-ում հաշմանդամություն ունեցող անձանց զբաղվածության ապահովման համար գործող աշխատատեղի քվոտայի սահմանաչափերը:

10. Ստորագրությունը, ամսաթիվը:

09.07.2019

